

مؤسسې : ابن السري
مصطفى نامق

مدیرې : ابن السري
احمد جودت

آسيان

أدبي، علمي، اخلاقي هفته لق مجموعه در

برنجي جلد

نومرو ۴

برنجي سنه

۵ رمضان ۱۳۲۶


۱۸ ايلول ۱۳۲۴

استانبول

محل اداره سي : جفال اوغلندء دائرة مخصوصه

مطبعة عامره

۱۳۲۴



جائز میدر؟ خایر، و کفایت ایتمز؛ صنعتی قیوددن تجرید ایدرک کندیسنه کائنات
کبی غیر محدود بر مسافه و یرمک لازمدر. ره آلیستلرک بویوک قاعده سی بلا تردد
قبول ایدلمیدر. طبیعتده نده وار ایسه صنعتده واردر. شکسپیردن سوکره تکرار
ایتمک لازمدر که صنعت، طبیعت بشریه یه عرض اوانمش بر آینه در که فضیلتیه خطوط
مخصوصه سنی، رذیلته خیالی، خلاصه کوزل، چپرکین هر شیئه سیماسنی کوستر.
شیمیدی قورنده یک در میان ایلدیکی بر مطالعه نیک ایرادی صره سی کلدی: «شعر
فاجعینیک ایکنجی فائده سنه کلنجه فضائل و مساوینیک تصویر خالصانه سنه تصادف اولور که
او تصویر، بحق ایفا ایدلجکه اجرای تأثیرده قصور ایتمز، خطوط او قدر قابل
تشخیصدر که یکدیگر یله قارشدیر یله ماز. فضیلت، مسیئت یرینه آله ماز»

بوایضا حاتندن و کزست و فلو برک «برشی حقیقی اولدی اییدر. مغایر ادب شیارک فسد
اخلاق اولمسیده فقدان حقیقتدن ایلری کلیر» یولنده کی مطالعاندن اکلاشلدیغی و جهله
صنعت، تمامیه حقیقی ایسه اصلا مغایر اخلاق اوله ماز، طبیعتک اخلاقسن اولمیدنی
ادعا اولندیجه اخلاقسن اق، فزاینشیک بالاراده ترجیحیدر، طبیعت ایسه لاقیددر.
مابعدی وار سلیمان فرهمی



عفو

— مابعد —

ایرتسی سنه مادام هو بر، ایچنده چپر بندینی دوره یأس و کمدن چیقار
کبی اولدی. هو بر «سنلی» ده بر طابور بیکباشیلغنه تعیین اولونمشدی. بویکی
محیط ایچنده پارلاق بر حیات کبارانه یه قویولدی؛ و او قدر ایلری کیتدی که
کورنلر بومشغوایت ایچنده فیکرنی، قلبی اکلندیرمک ایستدیکنه ذاهب اولدی.
بر طرفدن بومیل وانهماک. ایشمز کوچمز وقت کچرن ضابطانک میل ذوق
پرستانه سنی ترغیب و تشویق ایدیور، دیگر طرفدن پارسده قلان مناببات قدیمه
سنی تاره لیوردی. کوکلنک ایستدیکی اکلنجلری بولمده کوچلک چکمدی،
کندیلکندن حصول برلان بر چوق موفیتلر ارافانی آلدی. هرکسک خوشنه

کیتمه مکله برابر بعضلرینک پک چوق بکندیکی بر حسن کبارانه ایچنده تر وتازه بر حیات ، وقتنده پارلاق بر اثر عرفان کوسترن بر ذکا . قادیکن اطرافنه بر چوق پرستشکارلر طوپلادی . بزاونی بو حال پرستیده ایچنده پک آز کوره تیشدک . فقط بو قدر جق بر مدت بیله اونک نه قدر دل آشوب اولدیغنی کوسترمکه کافی ایدی . یازین ته نیس اویونلری ؛ قیر عالمیری ، صوک بهارده آوا کلنجدلری بو مطمئن حیات ذوق وسفاهتی اتمام ایدیوردی . ایرتسی قیش ، هو بردن بر مکتوب آلدی ؛ رفیقم آرتق هیچ بر اقشام اوده بولمادقلرینی یازیوردی . بن بومکتو . بلزدن آرقه داشمک کندی ارزوسندن زیاده زوجه سنک اذواق وتمايلاقی تعقیب ایتدیکنی آکلایوردم ؛ مع مافیة مکتوبلرنده زوجه سندن آز بحث ایدیوردی . ذاتاً بخبرات ده سیرکشمکه باشلامشدی .

ایشته بوسره لرده ایدی که هو بردن ایکی اوج سطرلق بر مکتوب آلدیم : «سنلی» شهرینی آب آنسزین ترک ایتدکلرینی یازیوردی . همان جواب ویردم ، سکز کون «مونرو» شهرندن کلن مکتوبنده اوج آی ایچون مأذونیت ایستدیکنی یازمشیدی . احتمال بومأذونیت ترک خدمتک بر مقدمه سی ایدی . ظاهراً صحنه متعلق بعض اسباب مبهمیه بنا ایتدیکی بو ترک وفراغتنک حقیقته خصصیت حیاته عائد بر سبب ومقصده مستند اولدیغنی بکا اعتراف ایتک ایستور ، فقط بونک محرم طوتلسنی رجا ایدیوردی . بونک اوستندن بر آی یکدی ، هیچ بر خبر آله میوردم .

اوآرهلر پارسده ، تعیین اولوندیغم مأوریتک باشنه کلشدم . هو برک بوراده بولدیغم آرقداشلری آره سنده بوزوج وزوجه نک سوردکلری حیات کبارانه یه دائر بیک درلوشایعلر دوران ایدیوردی . هیهات که بن بوشایعانی رد وجرح ایده جک دلائلن محروم ایدم . بندن بونلرک کنه وماهیتی حقنده ایضاحات بکله یلره بنده اونلر کی فرضیاندن باشته برشیله مقابلهایده میوردم . بوشایعلرده هو برک شخصی ده داخلدی . هیچ اولمازسه صالون عالمیرینه قربان اولوب کیدنلره دریغ ایدلمه مک لازم کلن حس مرحتک بر بنده سنه بیله لایق کورولمه یین زواللی دوستک ثروتی ، سختی ، کلنجدلری ، خلاصه هرشیء اولچیلوب بیچلیدی ، تحقیق وتفتیش اولوندی . صالون آرقداشلرینک حقیقت عالی بیلهدن بر آرقداش حقنده روا کوردکلری

وفاسزاق ېځي متأثر ايدىيوردي ؛ فقط قېلىم اوکا عايد اوفاجق برأنديشه دن بيله
آزاده ايدى . مع التأسف زوجه سى حقنده سويله ن شيلر دها فنا ايدى : اونى
برمدتن برى ارککلره قارشى پک شوخ مشرب ، پک خفیف اولق اوزره
تصوير ايدىيورلردى . هر حالده سويله ن شيلر برارقداشنک زوجه سى ايچون
آرزو اولونه جق شيلر دکلدى ؛ فقط بن بو افتارلرک هيچ برينه اينانميه رق هپسى
رد ايدىيور ، جامى صيقان بو حالده قارشى حقيقتک تظاهر ايتمى ايچون هو برک
پارسه کلبنى بکلوردم .

برکون هو برى کورمک ايچون او طور دقلرى اوك قاپىنى چالديغى زمان
قارشيمه چيقان خدمتچى برکون صوکره يالکز باشنه کله جکنى ، پارسه انجق
برقاچ کون قالدقن صوکره کرى کيده جکنى سويلدى . اوفاق برتدکره يازوب
براقدم و ايرتسى کونى تکرار کلنجه اونى هنوز مواصلت ايتمش بولدم .
دها ايلک باقىشده زواللينک برضربه فلاکت آلتنده زبون اولديغى اکلامقده
کوچلک چکمدم . قوجا قلاشدق ؛ کنديسنک ، عائله سنک سختى صوردم : نه
کنديسنک ، نه ده چولوق چوجوغنک اوقدر اينى اولم دقلرينى سويلدى . ذاتاً
سيماسنده کى چيزکيلرک درينلکى ، بکزينک صاريلينى بونى کوسترييوردي . فقط
او ، بوکا هيچ اهميت و يرميه رک اصل ذهنى اشغال ايدن برشيشى اکلامق
مقصديله :

- عزيزم ، ديدى ، بو اوزون سکوتمدن طولايى بکا دارلما دکلکى ؛ بن ؛ چوق ،
اما پک چوق اضطراب چکدم ؛ ديه بيليريم که برآيدن برى هرشيشى اونو تدم ،
بوسبو تون يالکز ، حضور کبريا پناهيده نفسيله تک وتنها قالد .

بوندن صوکره سى ايچون تصوراتى صوردم . هنوز برشيشه قرار و يرمديکنى
يالکز برسنه قدر فرانسه خارجنده وقت کچيرمک نيتنده اولديغى ، بعض
خصوصات مهمه نک تسويه سى ايچون پارسه کلد بکنى بونلرى بتيردگن صوکره همان
کيده جکنى سويلدى . آيلمه دن اول کنديسنى اسکيسى کى مکتوبسىز بر اقامقلمى
رجا ايتدى ؛ وعد ايتدم . صوکره تکرار قوجا قلاشدق و برمدت اويله طور دق .

مابعدى وار مشناه